

圓覺經略疏之鈔卷第二十二

於七

圭峯蘭若沙門宗密於大鈔畧出

疏二一此初下解科名寶明者寶有光明數
數舒光而却入海餘文自顯疏寂下二節經
義經二中疏二一二虛下解科名疏寂下二

於七

節經義經三中疏二一三舜下解科名舜若
空神者舜若此云空也以虛空皆有主空之
神如華嚴說每因日光即略現於身即依空
現有之義可詳同於疏疏寂下二節經義經
四中疏二一四飲下解科名飲光者迦葉身

永樂北藏

圓覺經略疏之鈔

第一八七册

光吞飲日月之光歸定住雞足山也疏寂下
二節經義經五中疏二一五多下解科名多
寶塔者說處甚多疏寂下二節經義經六中
疏二一六下下解科名法華菩薩六萬等者
經說他方諸來菩薩八萬恒河沙數白佛頌
於佛滅後於此世界弘是經典佛止云不須
汝等護持是經我娑婆界自有六萬恒河沙
菩薩一一有六萬恒河沙眷屬於我滅後廣
說此經說是語時三千世界地皆震裂此菩
薩等於中同時涌出身皆金色先在此世界

下虛空中住故喻先空後假餘文可見疏齊
靜下二節經義經七中疏二一七帝下解科
名疏齊幻下二節經義經圓修三觀疏二一
後有下釋科名疏稱圓下二解經義經偈諷
疏無能所修等者緣此偈與長行文異意同
恐不解配合故此釋之長行云圓覺清淨本
無修習及修習者即是無能所也三觀之初
又云於諸修行實無有二悉不言禪定今偈
中孤然云依禪定生即知心冥無修之理即
是禪定此乃長行標文偈中顯意亦可長行

舉法偈中釋義妙在此也疏加之繩索等者
即淨名經中優波離與二比丘依法懺罪維
摩詰訶云無重增此二比丘罪當直除滅勿
擾其心所以者何彼罪性不在內不在外不
在中間如佛所說心垢故衆生垢心淨故衆

卷

二

生淨心亦不在內不在外不在中間如其心
然罪垢亦然諸法亦然不出於如等今云加
繩索者即重增之意傷乎無瘡者即是前富
樓那在一樹下為諸新學比丘說法維摩詰
又訶云唯富樓那先當入定觀此人心然後

說法無以穢食置於寶器當知是比丘心之所念無以琉璃同彼水精汝不能知衆生根源無得發起以小乘法彼自無瘡勿傷之也欲行大道莫示小徑乃至我觀小乘智慧微淺猶如盲人不能分別一切衆生根之利鈍

等釋曰維摩意以為新學說小乘法是傷乎無瘡意顯以大乘法說今此疏意明圓頓悟解之人稱真覺性不假道場探結等若令探結即是傷乎無瘡耳經兩重除障疏二一次後下標意故同大科者大科云次四問答別

明觀行今乃於中有二問答是除我離病似非觀行恐有不細詳者生疑故此云是觀行中障也約修證帶我不同全執我相者故障別門觀行如前通明觀行中亦有彌勒一章斷除貪愛貪愛是六道根本亦障通門觀故

於

三

二釋文經除我入覺疏二一初中下揔明科意二別釋經文經慶前中疏如琉璃等者內外明淨透徹故瓶喻一念多芥子喻多劫萬行經正問中疏何法染汙者初悟同佛妄起還凡故志公偈云佛從魔境出

煩惱中悟解
提如淤泥中蓮

華魔從佛境生

悟解同佛遇違順境只於悟中運起妄念

二頭不

相辨渾雜國王城

覺經長行中疏二一正說

下科分二隨釋經過患本起中疏兩論所說

者天親論云見五陰一一陰是我相見我命

斷滅復生六道為人相見我身相續不斷為

衆生相

即感來苦樂衆多變異也

計我一報命根不斷而

住為壽者相無著論云取自體相續為我相

我所度為衆生想餘二意同但無著云想天

親云相今叅而用之我全用無著壽全用天

親餘二展演其文令人易解肇注淨名云縱

任自由謂之我常存不變謂之壽貴於萬物

而始終不改謂之人衆生大同此皆情識所

計故云迷識境也經說者約證悟覺性而帶

能所從塵至細展轉遣之四相遣盡方始無

遣故云迷智境也疏妄我本空等者淨名云

法無有我離我垢故法無有人前後際斷故

法無衆生離衆生垢故法無壽命離生死故

慈云心自取心自成心病演若愛影背本瞋

頭從此妄滋莫能蠲拂經過患滋多疏二一

二明下科判二一摠科疏今初下二別判二

隨釋經展轉中疏二一謂由下銷經可知疏
然上下二配四諦云二乘者雖通大乘大乘
以為虛妄本空之義但宗無生等也故般若
心經云無苦集滅道生滅者準天台教權實
通論揔有四重四諦實一生滅逼迫名苦即
有漏色心僧

於七

四

長名集即業煩惱寂靜為滅謂
即涅槃出離名道謂止觀等也二無生三無
量四無作如是彼四教所詮法矣今此文
中約其過患故當生滅後三重四諦廣如大
疏大鈔所明此但略引之意用前生滅以銷
疏文不能繁叙初六句等者依數句次第配

經文相甚明各須一一配釋以示聽徒經直
釋中疏最初根本者論中根本不覺也本源
者性淨真心也依本覺而有不覺等疏由將
無始等者朦髮說五住地也經轉釋中疏二
一二轉下明科意疏未曾下二釋經文二一

釋法經云身心無明者論云以依不覺故心
動動則有苦苦是生
死之身果苦也不離因無又都結
三細六塵云一切染法皆是不覺相故疏由
愛下二釋喻三一隨相說不斷如人萬萬資
財一一慳惜若遇喪命因緣情願捨棄以求

活命疏又有下二稱性說親斷由前但云不能自斷仍有可斷之我故云隨相今明執時尚不覺有所執之我是其過患憑何說斷縱欲斷之亦是妄想盡之時但是真我真我無患憑何欲斷今但以覺無名斷故云親斷

於七

五

也疏如夢下三轉以喻釋夢喻二說終不肯斷已上喻隨相必須已下喻稱性覺來者覺字去聲呼之經結成中疏種子現行者義如前說引寶積者舉愛例憎愼惡趣者非唯不成佛果仍更愼於惡趣此有二意一如第三

生之說二既是存愛迷心愛為六道之本善惡反覆苦樂循環盡於未來卒未脫免三塗等苦如云忍不落惡趣亦由忍可無我之理及愛為苦本之義隨順修之故必不落經別釋四相疏二一二別下叙意科分殊常者如前說迷識境之四相也初果除者小乘見道位證我空真如也羅漢未曉者此四相障於圓覺羅漢若曉即應悟淨圓覺故天台說三界之外有塵沙無明此執即是其數也合云阿羅漢今文中且貪字數相對簡略而言矣

約事驗我者事即我所我者我所有一切
事境通於有情事皆可見可知我則不能反
見故約事境反驗於我乃覺他皆非我便知
我非他也二隨釋經約事驗我疏二一初謂
下叙科意二正釋經徵起中疏覺有心者知

一切事境非我也即此名我經喻釋中疏燕
居者燕字安音依論語中燕居之字經結指中
疏覺體者空寂是體是涅槃知是用是覺即
體之用涅槃即覺即用之體覺即涅槃既體
用相即故非別有可證之體也即當前五門

證道中第三能所俱泯矣即是我相者即妄
見有涅槃所證所證者即我也我是自體義
故且實證真體既是法身真我今謬證妄體
即是無明妄我也類例甚明經悟我成人疏
二一二悟下叙科意二正釋經廉相中疏者

於七

六

字正名人者諸家疏論每出人字之體或能
證人或能執人乃至說人聽人若真若妄皆
云者也如梵語佛陀此云覺者即指於人若
言菩提此但言覺即指於法類例如此博學
者自當知矣經細相中疏無非不盡者無有

過非而泯之不盡謂一切過非皆已盡也經
 了跡跡生疏二一三了下叙科意了跡跡生
 者既展轉相生跡跡不盡即是衆多生起不
 斷絕義亦是衆生義也緣次下疏文自釋云
 衆生者不定執一之謂也故此云又亦等也

二正釋經徵起中疏展轉無窮皆成能所者
 問前人相中已云不取能所如何至此却云
 展轉皆成能所邪答皆成能所者是此人所
 了之過非非此人認之為是前人相中覺我
 相是能所之過者但覺一重能所不知此智

又復名能今此轉深故覺展轉無窮皆是能
 所豈不甚超於前故經云悟所不及及即成
 科云了跡跡生釋云了此無定故離前非又
 云不定執一皆甚明矣經舉喻中疏於自於
 彼等者結成所釋經中標云非我非彼之句

於

謂俱非此二也緣此中經文稍隱亦須在意
 分析經潛續如命疏二一四潛下叙科意二
 正釋經徵起中疏即心之照者心是自己本
 心前三門中由別有能證能悟了等相故
 不言心今諸跡已盡故言心也如論中異相

住相之文但云覺於念異念無異相覺於念住念無住相至最初生相已盡細念亦無直言覺心初起心無初相意全同此此中甚妙宜細審之清淨者亦由離前證悟了等三相直是心自照故自覺者自心能覺非謂覺自

然經云照今乃云覺者且順常途疏論多云自覺覺他也疏證悟等者等於了字謂我相名證人相名悟衆生云了此中揔盡故徹真源更無別能證等也疏擬將此智者此照智也又業是業用一切作用之智名為業智但

覺潛續之心同於幻化一念不生即是論中世間自然業智及不思議相等疏雖能除妄者前三也不自除者以此為是故成潛認而不斷絕如命根矣此一門除久修觀行用心細者方知雖此再三顯示亦無由了之經正

釋中疏前三相者覺是心心所之揔名若別說三名即一證二悟三了若統言之即但云覺也疏心未忘故者正釋心照名塵垢之義即知若心忘此彼此彼三即心照便是自然業智經喻返釋中疏我智俱盡者我等四相及

智慧俱盡也我智者是我及智非謂是我之
 智照體獨立者是生公語清涼大師心要亦
 云一念不生前後際斷照體獨立物我皆如將
 此四句對詳前文始終相當故略取一句若
 據文字初後敵對即合云水凍成冰冰銷水

於

在心迷成我我盡心存今緣心水二字皆是
 通名濕况照體獨立也問彼云照體是離念
 無相之妙慧經云心照是壽命相之細病如
 何用彼以當此邪答但動於濕即名波浪波
 浪盡而濕性元真但起於照即名壽者壽者

盡而照體本妙起於照者見一切覺也况所
 引之文但證本末法喻非直以之釋經經中
 本無水濕之言亦無真心之語喻中但云冰
 湯法中但云一切覺冰湯必依水水之濕性
 必無變滅即知照覺必依真心心之照體亦

無變滅經揔標中疏多劫六度者懸談具引
 可檢示之經展轉廣釋疏二一後展下揔別
 科分二隨釋經喻中疏知賊者涅槃云如人
 覺知是賊賊無能為藏識者含藏一切染淨
 種子即阿賴耶識也自體即如來藏如來藏

則唯舍無量無邊恒河沙勝妙功德皆如前
釋然此二名義別者權實之教不同故密嚴
經云如來清淨藏世間阿賴耶如金與指環
展轉無差別又說惡慧不能知藏即賴耶識
貧窮等者法華云貧窮無福慧入生死險道

今取意勢用之經妨道徵中疏縱使認我者
意云涅槃是萬行之真性即我體性亦是涅
槃縱認我證亦何所乖亦何妨道經非脫釋
中疏還是本愛者所愛之境即別五欲及涅
槃能愛之心不異謂即昔時愛五欲之心如

今復將愛涅槃故憎亦例知本習者無始劫
來熏習成熟故疏愛是生死根者彌勒章已
說苗者造業受報也經非脫徵云法不解脫
者由前徵釋我不解脫云由謬證涅槃故故
今又徵云何知所證涅槃之法是謬是愛是

生死根而云不解脫邪經驗我釋疏二一六
讚下叙意謂實證者疏中順明也今則逆推
以明非實謂既驗出瞋喜即知有我非我即
知未證未證言證即知非實驗處在文二正
釋經驗知中疏我執猶堅者唯識說此第八

識云執受根身為自內我微細不可知外執
器界亦不可知潛藏者與雜染法互為能所
藏也相續者標釋經中曾不斷也慧軍數舉
者止觀為將助道萬行為兵即前曾聞普眼
及三觀利根者已入鈍根者亦有聞思二慧

被四相障之修慧未發故此段經上文云雖
經多劫勤苦修道等魔眾頻摧者伏得廉淺
惑止得諸惡業故有聞思之慧阿賴耶者此
云執藏皆已如前本章中釋訖城者根身種
子器界為境也即是相分主宰者我相也即

是見分難攻者行相微細不可知故三乘聖
者至無學位斷此識中煩惱廉重究竟盡時
不復執藏賴耶為我方永失阿賴耶名非
捨識體如國強臣不實皇化即呼為賊後天
兵頻討多時方降皇帝許雪存其性命還委

於

十

州郡之權即呼為卿為臣圓覺帝主亦復如
是配合可知此上皆是釋文中堅末那常侍
者亦可云內侍一向內緣恒執第八見分為
我依彼生起常緣於彼故言常侍常具我癡
愛見慢等四種功用故云防護防護我也牢

強者滅盡定

中有學位

及出世道

初雖暫伏滅

而未永斷直至三乘無學果位方永斷滅故

故成唯識說此染汙意相應煩惱是俱生故

非見所斷意識者第六也能執一切法能造

三界業故云謀臣徧緣內外及三世三性五

十一心所故云經營又徧五識之中五識率

爾纔起此意即同緣故云傍監五將兼於自

位故云六門賊主者六賊之主也我是主故

由有六根門戶故能通而遊戲也

号者即次前但言為法瞋彼度此不知此心

元是我相即知被他偷於為法之号如貪号

慈悲瞋号降魔謂貪愛城郭統眾王

賤道俗歸臻恭敬供養自謂為慈非愍念眾

生說法度脫不知都是貪愛潜流改變名号

相貌或内心瞋彼因以凶惡之言種種訶叱

登

土

或打棒或驅出自謂為法降魔懲惡勸善不

知又是瞋恚嫉恨憎嫌等念潜改首換面也

故志公云二頭不相辨混雜國王城如此種

種變号故令我說法化主不覺是賊認為功

能渾未解脫越於苦海而乃安然不驚不懼

仍以自縛欲解他縛故云惑我法王也侵疆者若論法身疆界徧法界盡十方乃至情界器界皆同真淨之境盡是無漏之界染淨元無二體今但以迷色等六境為心外定有六塵即無明我主之界悟六塵等色即是空色不異空但自心變起盡是全空之色餘聲香等亦復如是便是色等三昧名六妙境即般若法身之界今我已悟此境屬我不覺妄起潛執為有潛生愛著還成塵界故云徃徃侵也由此觀之難明住之難定故云

擾我觀境也觀即觀智解也觀行行也境即不出六境及真如境隨所觀時即為其境外怯者以有悟心常欲覺察故妄念似劣不敢故意生情貪瞋造業專伺候觀照明顯如晝日時即潛伏故令推察身心道理者但見自己是悟解分明人不愛名利人為法為師人都無過失人故云晝伏及乎親對違順之境乖於情念極不稱意之時迷習覆翳對面不覺之時昏黑如暗夜恣行計校種種生情或擬退屈或擬違背人法或擬別為調致或思量

道理擬雪身歸過於前人種種生起不可覺
非故云夜行而內挾者挾字之意如史記中
說曹操未登九五時号曹公挾天子以令諸
侯今借此一字為語勢無明等者謂六識之
境如上或覺或妄或伏或行若藏識中三細

於七

十三

及五末那俱生我相等種即與無始住地根
本常不捨離縱使行人覺察觀照之時此亦
潛續故云晝夜不斷此正釋經曾不間斷之
句也故唯識云此識無始時來一類相續常
無間斷是界趣生施設本故性堅執持令不

失故乃至與內習氣外觸等法恒相隨轉然
此中所用具足八識之義具如本章故此不
釋經覆推疏二一一覆下叙意疏恐聞下二
釋經故推徵云者然經文於毀者反明於說
者順明若疏則皆反順具明若經文亦各反

順具明者應云若知我空無毀我者有毀我
者我未空故若知我空無我說法有我說法
我未斷故餘文可解經決斷中疏各唯增益
者水土資於甘草甘味增益資於黃蘗苦味
增長故知由種不由水土以喻萬行資於我

永樂北藏

圓覺經略疏之鈔

第一八七册

相即是魔業資於覺智即是佛因故知由心不由萬行此意極要可明示之經抑聖中疏了義等者次自釋云心境本空等即釋題中廣引經文配了義之句全同此意言心境空者如心經云無色無受想行識無眼界乃至無

卷七

十三

意識界或云能見及所見見者悉除遣或云心滅則種種法滅等惑業者惑即煩惱謂貪瞋癡等業即善惡不動等本淨者皆空之義凡聖不異者凡夫彌勒皆同一如諸佛衆生同一法界故不異也因果皆圓者因該果海

果徹因源故皆圓也就佛見之者上皆釋經中如來解也且衆生迷倒下正顯行人以如來解及所行處為自修行之意種習者種子習氣也根深者明此倒情種子眠伏藏識之中雖復覺悟亦難了知故云深也縱解法門現用隨念者明行與解違不稱所悟之處無礙言教者雖說無作無受而且善惡因果不忘或說無證無修不礙斷惑求證或說因該果海不妨歷位而修或說佛不度生而又應機說法如此之意徧諸大乘故言無礙也亦

只如然者將佛所證同自心量也不覺念者如眼不自見指不自觸也不知真通等者揀於真證不同未證之心隨相信者未能稱實信故大品云不信一切法是信般若等平等之談者即前心境本空等意不能斷惑等者

由迷此等之談便不伏進求今時參學之流多迷此意如聞說眾生本來涅槃無漏智性本自具足不得此意便云性本具足無可添補煩惱本空無可除斷由作此見便信任身心不覺施為元是隨情逐念無云稱性脫體

全真認妄為真惑之甚矣此義廣如懸談初教起因緣決擇悟理應修門中已具分析數他寶者具云如貧數他寶自無半錢分於法不修行多聞亦如是經騁已齊聖疏二一二騁下顯科意抑高者謂言佛解處行處只似

伊心行境界故云就下騁已者馳騁自己謂言已證菩提已得涅槃成佛已訖二正釋經認聖智中疏理者涅槃也智者證也證理故直云智身身者體也即智自體便名為證如諸識中自證分也根本戒者比丘四重尼有

八重大妄語者僧尼皆同謂自言我得過人
 法乃至而言我知我見虛誑妄語除增上慢
 此是彼之所除故云非此文意彼犯重此無
 犯此累悟解彼無所累經驗凡情中疏或即
 證悟者縱得他已無二隨喜他勝他善尚自

不定或是證悟之力或不關證悟如壯鬱
 丹越心行無我豈是證邪上界豈有現行嫉
 妬等邪故知自驗心迹順於道行仍未的定
 若驗心迹有嫉妬瞋恨等事即定知非道除
 大菩薩逆行之迹然約心之本迹以對順道

乖道有四句一唯順菩薩隨喜他善及行施
 等三唯乖凡愚嫉妬及行殺等三亦順亦乖
 菩薩殺等心順迹乖凡愚施等心乖迹順四
 不乖不順謂佛潔淨無礙及羅漢劇大悲智
 故或業若盡不乖也若但約心順為定不定四句者一

於

五

定順道二定乖道如前中初二句三乖順俱
 定謂菩薩自知四乖順俱不定謂初心行施
 等自不能辨及觀他施等亦然經結成障覺
 云是故不能入清淨覺者從前數節一一結
 云不入覺者大而言之皆為我愛斯為根本

然若具明入覺須得其門華嚴玄義章十五
門亦藏和第十明入道方便門有三一揀心
二揀境三造修勝行別卷具引經趣果中疏
唯宗名數者且據法相宗中人也以經云唯
益多聞意順此故若破相宗中之人即唯宗
道理雖亦不尚名數皆不務自照己心此類
之人名為慧學非多聞之相故略不言之解
義我見唯長者縱使實得廣解名數問即皆
知或善於立破破諸言論亦轉增我相欺慢
餘人故有云經論衆生出世因解來翻更長

貪瞋若約任運我慢貢高即破相法相兩宗
人同若據分別心中定認凡夫未除我執者
即偏是法相宗人我見增長相宗人無故意定斷以不立法故
問解法輕人許云我相增長其所執之見已
定何言增長答亦有增義謂不習教人但任
運執若聞解者言有言無或言同佛異佛皆
不定信不信若習法相之人定不信凡夫無
我故知執見轉堅故云增也不能了自心者
次云云何知正道彼由顛倒慧增長一切惡
一切惡者我見亦在其中既增惡由不了心

即正同增我由不求悟即知求悟是令了心
 故引為證又既由不了心成顛倒即知定須
 先了心也據此所證文義四句揔要緣前已
 頻引聞者必熟故標初後二句等取中間兩
 句也又智論者彼有三偈故此云等餘者今

於

去

取意說謂有慧無聞如闇中有目亦不知實
 相此如南宗禪學實了心者未達諸法性相又不學之無聞無慧如人
 中牛灼然不知唯去二種方知實相即前悟
 淨圓覺以淨覺等也經科斷惑且當成因說佛
 下者由前數段經文說修行中有多過患皆

結云不入淨覺故此勸誡令離過用心方成
 正由也經順釋中疏根本等者百法標云根
 本唯識頌但云煩惱揔說六種頌曰煩惱謂
 貪瞋癡慢疑惡見長行釋云性是根本煩惱
 攝故得煩惱名謂貪等六事是隨煩惱之根
 本故今經云貪瞋愛慢者彼論愛非其數以
 無別性貪所攝故此唯三法是他論也貪者
 於有有具染者為性能障無貪生苦為業謂
 由愛力取蘊生故瞋者於苦苦具憎恚為性
 能障無瞋不安惡行所依為業謂瞋必令身

心熱惱起諸惡業不善性故慢者恃已於他
高舉為性能障不慢生苦為業謂若有慢於
勝德法及有德者心不謙下由此生死輪轉
無窮受諸苦故此慢差別有七九種廣如大
疏疏小隨者隨煩惱二十中有三類初十小

隨次二中隨後八大隨具如大疏八識章中
釋也今論曲等名小隨者各別起故名小但
是貪等分位差別等流性故名隨論者為固
冒他故矯設異儀險曲為性能障不諳教誨
為業貪癡一分為體嫉者徇自名利不耐他

榮妬忌為性能障不嫉憂感為業瞋一分為
體然根本六中今闕癡疑及惡見者癡在偈
故三番徵釋已決疑故偈云我身即是身見
身見斷則餘見自除故餘謂邊邪二取此
等皆依身見起故疏
重舉等者意云謂上已明貪瞋愛慢今又重

言恩愛故次釋云生死根等其斷惑行相具
如大疏所明餘文可見經偈諷中如次
前便用長行
四門大科以科之經云悟刹者正顯刹無體
約迷悟以分疆也前云分疆用此意矣如入
唐下喻明故知下法合乃至釋法愛及我身

文皆顯著經依師離病疏二一自下下明科
 意二釋經文經長行中疏二一正說下開章
 叙意有少相濫者待至本文疏自標指若便
 懸說初學難領二別釋經文經令識中疏三
 一簡餘下釋標指最初因緣者其次文云是

故於此勿生疲厭善財白言云何學菩薩行
 等乃至善哉汝已發阿耨菩提心復能求菩
 薩行善男子若有衆生能發阿耨菩提心者
 是事為難能發心已求菩薩行倍更為難善
 男子若欲成就一切智智應決定求真善知

識勿生疲懈見善知識勿生厭足所有教誨
 皆應隨順於善知識善巧方便勿見過失非
 此中疏法句經者文具云尔時寶明菩薩白
 佛言世尊云何是善知識佛言善知識者便
 是疏中所引直至住於實際皆真如不變義

於

六

也同此不住相從畢竟空中下即真如隨緣
 意也同此現塵勞讚梵行華手經者彼云云
 何名為真善知識彼云若有具足四種法者
 名善知識云何為四一者善知教化之法二
 者善知修道之人三善知教化之過四善知

修道之過是名四法也。疏離凡下二釋示相。經中有順行逆行。疏自指配經云不住者。若有少法當情。皆名住相。乃至菩提涅槃。尚不取著。何況世間夢幻境界。疏不應住聲香味觸。此密用金剛經經次文云。不應住聲香味觸。

法生心應無所住而生。其心得無住心。即契圓覺經云。塵勞者。塵是六塵。勞謂勞倦。由塵成勞。故名塵勞。又漆心勤苦。亦是塵勞。即疏中指貪等為塵勞之意也。疏梵行等者。即淨名居士現毗耶城俗姓雷氏。於提婆城取妻。

曰金姬男名善思。女名月上。示跡同凡。化在家眾。故名梵行。疏同事攝者。四攝之一也。已如彌勒章說。心既相親者。如法華中長者後園種種方便。慰喻窮子。亦如杜順和尚初食肉。復食臭屍。又如志公食魚。鱸訖吐之。水盆

於七

十九

魚皆跳踴。示欲之過等者。經云。示有妻子。常修梵行。現有眷屬。常樂遠離。乃至入諸淫舍。示欲之過。入諸酒肆。能立其志等。亦同華嚴者。即善財所遇婆須密女。示行貪行。善財遇已得菩薩離欲際。解脫門住第五無盡功德。

藏迴向等無厭足住示行瞋行得如幻解脫
門勝熱婆羅門示行癡行得般若波羅蜜解
脫門也疏說非梵行者今時此事甚衆宜審
詳之壞見等者忘却此論題目待檢之疏結
成下三釋結益經正舉中疏如雪山捨身者
即涅槃經第十一彼云我於過去身為童子
於雪山修行求道時聞羅刹於大林中宣說
半偈我當詣彼作如是言善哉聖者何處得
此半如意珠乃至為我宣說四句云諸行無
常是生滅法生滅滅已寂滅為樂我以身施

羅刹如故現帝釋形等香城敲骨者即小品
般若經彼云時法勇菩薩於尋香城宣說般
若波羅蜜多經有無量百千億人天大衆所
共圍繞爾時常啼菩薩求聞是經等云不儒典
尚令等者論語云事父能竭其力事君能致
其身慤疏云然因法出塵法為舟筏由師遇
法師是船師無師船且不行無船渡無憑託
船依師運敬法須以敬師故觀音慶已超聞
勸凡同仰是以全身報法賣髓酬恩割肉聞
經焚身謝德嗚呼未學盜法非師情希鳳鶴

之姿豈覺鏡象之醜此乃將興益滅求悟翻
迷破法傷師報如形影經遮疑中躩二一指
前下正釋在文易見但要善巧顯示學人躩
然為下二別議師資然準此盡心事師實亦
難得如此弟子及如此求道之人復不易得

於

于

如此真正師友以當事之故中論偈云真法
所傳及說者知真善聽者志弟子及諸人難得故指通
種也上三是故說生死非有邊死以非有邊三種故生
無邊非無邊也非字通二處讀之謂所言難
長無邊際故此偈因長行有問此生死法為

有邊際為無邊際故偈答之云尔然此為徒
等言借論語文勢彼云如知為君之難為臣
不易故云尔勿因此誠者先勸弟子也世有
非法之人假為菩薩之行誑惑愚夫還說空
無相之言不拘齋戒以兼行為大乘以真修

為小教愚人不曉此意却敬彼人不知弟子
有擇師之分故今勸示且須聽受他說法自
覺心中的有覺悟仍須勘以聖教合與所稟
宗中相應經教相令佛言相契若與合者名
為正觀若不合者名為邪觀又須與師同處

曰又諮叅徧問真俗知他心在佛道大悲利
 生既識得此師心源即須忘情絕慮沒命歸
 依縱見他接物化緣種種方便如前所說不
 得生疑又此藥下勸師也佛語種種各有對
 治如誠俗徒云剃頭著袈裟持戒及毀戒天

於

三

人常供養當令無所乏如是供養彼名為供
 養我我即佛又云破戒惡行諸比丘猶勝精
 進諸外道及乎誠僧又云破戒之人五千大
 鬼常遮其前掃其脚迹破戒人不得於國王
 地上行不得飲國王水又云寧以鐵槌碎身

如塵熱鐵纏身種種極苦不得破戒身口等
 受信心檀越衣服飲食卧具種種物俗人合
 眼前藥僧即合服此藥不宜互錯必受其殃
 今勸為師之人必須量心道力勿等閑認他
 上人此藥本治弟子不為師主師主服之即
 重增病苦以至於死方藥各有對治不得錯
 服服之增病等者夫求方藥不離一藏經律
 經律中言大底有二一說解則空而無過行
 則逆順皆通二說解則因果歷然行則止惡
 修善服此藥人若遇後教即云波誠迷人初

心人小乘人我是悟人又學人無我人作此
意度則後藥無施也若遇前教又增惡習縱
任情意自陷陷他故言無藥可治也以縛等
者即淨名云若自有縛能解他縛無有是處
若自無縛能解他縛斯有是處又云自疾不
能救焉能救諸疾人斯之謂矣經外易中疏
搏食等者譯者朴拙準經意的說財食也食
有四種此當段食食摠段別以段揀餘古譯
經論訛云搏食今此三藏承古訛音遂作搏
字又不分摠別謂搏即食仍略食字故云搏

財也經顯益中疏憍慢若起等者夫人心若
愛敬於他所作皆是若輕慢於彼則見彼所
作皆非世俗傳云憎人嫌醜待人嫌久又云
愛忘其惡等也又史書中有寵臣獻奇果於
君初功後過之義也然慢念惡念亦互通先
後或因起惡念即慢他或因慢他即惡念起
言惡念者非謂擬損害意中以他菩薩慈悲
利物之行呼為求名求利或疑中私滌淨不
分等便為惡念也障覆自心者既疑他意唯
見他懇切勸人謂言他有所求進退皆疑言

於一

重

教何入經分別四病令除疏二一二分下會
 通科意答第二問者依何等法據此科云分
 別四病令除即當答除去何病之問詳其義
 意乃是答第二問此義如何疏次自釋云標
 以妙法等釋意甚明問若尔者何故文云應
 離四病答疏自釋云此法離於四病方可依
 故疏中二故字皆是釋此段合當答前依何
 法問之所以也除病之間等者意明其答除
 去何病之問下自有文彼一段文令怨親平
 等用心以去無始自他種子結云即除諸病

若將答所依法更不相當文亦不次又問曰
 若尔如何判決問答相應之科疏答曰問雖
 次第列名佛答亦通亦別此有深意可細詳
 之文似濫者以此段中分別四病令除似答
 除去何病之問不似答依何法之問故云濫
 也由此相濫故云答含而科之二正釋經文經
 別釋行相疏三一二別下示文絕墨者契經
 有五義此常一也謂楷定正邪意言者意中
 言也時俗人語因責人非豈不亦云汝意裏
 道什麼語又云我意直道汝如是如是亦即

意言分別二別釋經生心造作疏二一釋標
 名辨相二一辨相下正辨行相思惟揣度狀入
 等者此諸行相是多種人心意不定主一人
 或如此或如彼不可一一著尔許多或字故
 但列之由是行多相反如宴坐施為止山遊
 世等須善自分析隨執其一者但說同一類
 行於一類中不妨亦有作兩般三般者如修
 造供養是一類或作僧俗講或經咒或宴坐
 止山及觀空有等於諸類中復有別類亦有
 一人摠修者或有相違必不俱者如講者不

妨持念及遊世界勤衣食等持念者不妨止
 山相違者止山遊世也勤衣食故飢寒也端
 坐施為也施為通修造供養講說等愛身厭
 身也疏此病下二明病起因起行起用者文
 云即起諸幻以除幻者又云變化世界種種
 作用又云照諸幻者便於是中起菩薩行又
 云復現智力種種變化度諸衆生又云復起
 菩薩清淨妙行度諸衆生又云復起作用變
 化境界失彼文意者迷彼皆以悟淨覺心於
 觀行中作如是等行今乃但見度生等言便

務僧講俗講但聞起行之言便欲修造供養
持經咒等但聞起作之言便欲種種施為遊
世界等聞照幻之言便欲深山宴坐觀空有
等聞除幻言便欲厭身故受飢寒等也但憑
此行欲契圓覺故云成病疏指體下二釋指

於七

一西

體結名積土聚沙者即法華方便品偈會權
歸實萬善悉趣菩提之意也文云聲聞若菩
薩聞我所說法乃至於一偈皆成佛無疑云云
皆取若以小乘法我即慙慙貪此事為不可
我本立誓願欲令一切衆如我等無異化無

量衆生令入於佛道若於曠野中積土成佛
廟乃至童子戲聚沙為佛塔如是諸人等皆
已成佛道或有人禮拜或復但合掌乃至舉
一手或復小低頭乃至供養像一稱南無佛
皆已成佛道歇即菩提者是佛頂文具云狂
性自歇歇即菩提勝淨明心不從人得其本
末緣起前已引說經任意浮沈

圓覺經畧疏之鈔卷第二十二